

nostræ Sigillo iussimus communiri. Datum apud  
prædictum Claustrum Albam. Idus Aprilis Indi-  
catione octaua. Anno Domini Millesimo Duente-  
simo, Nonagesimo Quinto. Regni vero nostri An-  
no Tertio.

## VII.

### Emptio villæ Mercklingen & Cu- riæ ibidem dictæ Fronhof.

An. Chr. 1296.

**N**O SHAIN RICVS & OTTO fra-  
tres Dei Gratia Comites Geminipontis tenu-  
re presentium publice profitemur quod nos  
Abbati et Conuentui Monachorum de Alba Cy-  
sterciensis Ordinis Spirensis Dyœcesis, vendidimus  
et attestatione presentium vendimus villam no-  
stram Mercklingen et Curiam nostram ibidem di-  
ctam Fronhof (a) et ius Aduocatiaz (b) dube (c) freuek,  
betde, (d) census, redditus, usufructus, Landach, (e)  
cum Siluis, almendis aquis, vijs, in vijs punctionibus,  
molendinis, alöse vtilitatib⁹, communitatib⁹, com-  
moditatibus uniuersis, Hanbrechte/ Herrechт/ Her-  
berge/ cum hominibus proprijs tam ibidem residen-  
tibus quam etiam ad ipsa bona pertinentibus et o-  
mnia Jura et omnia bona quo cunque nomine cen-  
fearunt besucht/ vnd vnbesucht sine qualibet exceptio-  
ne. hæc inquam omnia vendimus pro quadragen-  
tis quinquaginta libris hallensium quas nos recepif-

T 3 se in-

se integraliter profitemur. Ab renuntiantes tam pro nobis quam pro nostris heredibus Coheredibus et Successoribus uniuersis omni actioni Impetitioni et iuri quod nobis vel nostris in huiusmodi competebat vel competere quomodolibet videbatur, transferentes omnia supradieta in predictos Monachos de Alba iure et titulo proprietatis perpetuo possidenda, sicut etiam ad nos et nostros progenitores pertinuerunt ab antiquo (f) et si aliquas impetitiones in aliquibus bonis in eadem Marchia sitis habemus vel habuimus aut habere vissi fuimus easdem impetitiones ac Iura transferimus totaliter in Claustrum supra dictum, verum quia ius Aduocatiæ villæ Mercklingen prædictæ cum quibusdam bonis et redditibus in manu puerorum Cunradi quondam domini ducis de Tecke et tutorum eorundem detinentur obligata ratione Sponsalium Sororis nostre quondam ducisse unde nos ipsos Monachos de eisdem bonis ad presens pagare non possumus, Iccirco ipsis omnia molendina nostra in Breithheim & vilâ nostram Spranatal assignamus in recompensam, et nomine ypothece, Hac conditione quod omnem defectum quem habuerint in redditibus ville Mercklingen et in Landach de redditibus molendorum & vilâ Spranatal totaliter suppleant, & maltrum Siliginis pro quinque solidis maltrum tritici pro septem solidis maltrum Spelte pro tribus solidis (g) maltrum auene pro duobus solidis & denarij pro denarijs computentur dube vero & freuel ville Spranatal monachi recipient nec in sortem computabunt, Si autem ipsis totaliter pagatis alii quod

Pagus Merck-  
lingen, planè  
codem Iure,  
ad Monasterium Albense  
pervenit, quo  
Domini Co-  
mites Venditi-  
ores, co-  
rumq; Maio-  
res eum anti-  
quitus tenuer-  
unt,

quod residuum fuerit, de redditibus molendinorum & ville **Spranatal** hec officiat predictorum Monachorum deductis expensis nobis assignabit locatio quoque molendinorum & ville **Spranatal** singulis vicibus ad ipsos monachos pertinebat, Si autem de Curia **Fronhof** aliqua impeditio ipsis suborta fuerit in Iudicio spirituali vel seculari, aut alias & die nobis ad hoc prefixa vel denuntiata sine dampno & expensis, monachorum ipsos non absoluimus infra spatum trium mensium ex tunc unus ex nobis cum fideiussoribus nostris obstagio iacebit in vna Ciuitatum subscriptarum, videlicet **Bretheheim** / **Bruchsel** / **Pforzheim** / **Heidelsheim** / **Gorbolsheim** / impedimentum vero ville **Merckelingen** / & reddituum et **Landach** quod iam à nostris consobrinis de Tecke habetur aut si de cetero aliqua impeditio suborta fuerit, ipsis in bonis eisdem & infra spatum trium annorum non absoluimus, & ipsis in quietam possessionem non miserimus ex tunc etiam unus ex nobis obstagio iacebit cum nostris fideiussoribus ut superius est expressum, & nihilominus monachi redditus molendinorum & ville **Spranatal** recipient quousque omnia fuerint expedita & ab ipsis predictis bona quiete possessa. Quod si per nos aut per aliquos occasione nostri in redditibus molendinorum aut ville **Spranatal** fuerint impediti, & nos amoniti infra quatuordecim dies non absoluimus unus ex nobis cum nostris fideiussoribus obstagio iacebit prout superius est expressum, Si vero nos vel fideiussores à nobis constituti in alio aliquo obstagio fuerimus aut aliquod legitimum impedimentum

tum

tum sine dolo et fraude habuerimus nos nobilem seruum (h) cum equo & quilibet fideiussorum ponet seruum ydoneum loco sui, & si aliquis fideiussorum decesserit, & à dictis Monachis commoniti alium equeualentem quem acceptauerint infra mensem non substituimus ex tunc unus ex nobis cum reliquis fideiussoribus obstagio iacebimus ut supra dictum est quo usque omnia neglecta fuerint adimplenta. Ad hoc autem omnia exequenda & adimplenda & ratihabenda nos Corporali Iuramento prestito astringimus per presentes: In Cuius rei testimonium sigillis nostris presens litera est munita, Acta sunt hæc Anno Domini Millesimo Ducentesimo Nonagesimo Sexto Mense Decembri.

### NOTATIONES.

Frohn.

(a) Frohn/ interpretantur nonnulli, Sacer. sed verius est de notare, Commune. Sic Fronleichnam/ Sacrosanctum Corpus nostri Saluatoris, quod pro omnibus est datum. Frohn Altar/ die vornembste/ oder Gemeine Altar. Frohn Fast/ Gemeine Fast. Frohndienst/ Communes, & debitæ Dominis suis operæ. Goldast. Rerum Alemann. tom. 3 fol. 67. Frohn vest/ Communis carcer, quem Itali, Fortiam communem, vocant. Peregrin. de iure Fisci l. 3. rit. 2. num. 10. Frohnhof autem est curtis, dahin die Underthanen die Intradens, in der Frohn/ Verschaffen müssen.

Vogteyliche  
Obrigkeiten.

(b) Ius Aduocatiæ est, Vogtelych: & quandoq; etiam omnimoda Iurisdictio. Et ita, in quibusdam vetustis libris, Imperator dicitur, Vogt der Welt. Zu Magdeburg/ heist er Burggraff Vogt/ Weichbild/ art. 17. Landrecht. lib. 3. art. 61. Sic Vogtgeding/ quandoque est Königs Bann/ id est, imperium merum. Matthias Stephani de Iurisdict. p. 2. lib. 2. c. 4. n. 41.

(c) Dube,

(c) Dube, ferè semper coniungitur cum Freuel; sed eius origo est in obscurō.

Dube:

(d) Bete, quandoque est, ut etiam hīc, quæ fructuum, que soluitur, non in vim collectæ; sed oneris realis. *Befold. in Thesauropact. verbo, Bethe.* Sicq; in villā Malsch ad hoc ipsum Monasterium pertinente, soluitur in frumento, & pecunia. *Ein gewisse Leib-Beth.*

Bete,

Leib-Beth:

(e) Landacht / Land Garb est certa pars frumenti, quæ secundum iugera soluitur.

Landrecht.

(f) Ex hisce patescit Monasterium hoc in pago Mergen omnimodam, & talem habere Iurisdictionem, quæ antiquis Dominis venditoribus, tanquam immediate Imperio subiectis Comitibus, competebat. Quodque etiam Criminis Iurisdictio, vnd der Blutbann / in dicto pago, Monasterio competit, indicant adhuc hodie tetri ibi existentes carceres, Halsheyßen / Stock / vnd Galgen; quæ certè signa ius illud, quod ex natura suā denotant, satis firmiter probare censemur. *Min sing. conf. 16. n. 29. Befold. in Thesaur. pract. verbo, Galg.*

Stock vnd Galgen / probant merum Imperium.

(g) Solidus, plerumque pro duodecim denarijs, sumitur. *Lindenbrogius, in Glossario, verbo, solidus.* Aestimatio autem frumenti, quæ hīc ponitur, indicat vilitatem annonæ, qualis, ante trecentos annos, & circiter, fuit. Et nunc incredibilis reputatur. Sicque Anno 1268. galte in Thüringen ein Schößel Weizen / 18. Pfennig; ein Schößel Korn / 16. Pfennig; ein alte Henn / 2. Pfennig. Anno 1280. galt eben daselbst / ein Schößel Korn / 22. Pfennig. *Ioan. Binard. in der Thüringischen Cronick.* Sic & Ioh Marian. Hispan. à Societat. Iesu. tractat. de ponderib. & mensur. cap. 24. scribit: superioribus temporibus pretia rerum multo minora, quam nostro fuisse. Idque ex Histor. Hispanicis apparere ait, simulque luculentè constitutione Ioannis. I. Castellæ Regis, Anno 1368. probat. Quod item de Anglia attestatur Heinric. Saulis. tractat. de milit. Roman. fol. 84.

Solidus.

Annonæ vili-  
tas ante træc-  
tos annos.

(h) Nobilis seruus, Germanis est, Edel Knecht. Et tales ij erant, qui insignia habent, das ist zu Schild vnd Helm gehohren; qui vero insignibus carebant, Reissige Knecht dice-

Edel Knecht.

V bantur



bantur. *Crusius, quem allegat Casp. à Eerch/ de Ordin. Equestri Cæs.*  
fol. 79.

Galli Escuseuyers Scutarios vocant. Olim Germani  
Schiltare/Waffenträger.

## VIII.

### LUDOVICI IV. Imperatoris Confirmatio Privilegiorum à RUDOLPHO I. & ADOLPHO Regibus Romanorum Monasterio de Albâ con- cessorum.

A.C. 1334.

**L**UDOVICVS Dei gratia Romanorum Imperator Semper Augustus. Profitemur publicè per præsentes. Quod accedentes Maiestatis nostræ præsentiam Religiosi Viti Abbas & Conuentus Monasterij de Alba, Deuoti nostri dilecti, nobis humiliter supplicantes, quatenus ipsis omnia Iura, & priuilegia, atq; etiam libertates, & litteras Ipsis & Monasterio eorum à prædecessoribus nostris tradita & indulta, siue traditas & indultas, & specialiter Priuilegium Adolphi Regis Prædecessoris nostri dignaremur benevolentius confirmare. Cuius Priuilegij tenor sequitur in hæc verba.

**A D O L P H V S** Dei gratia Romanorum Rex Semper Augustus, Vniuersis Sacri Romani Imperij fidelibus, præsentes litteras inspecturis. Gratiam suam & omne bonum. Noueritis nos litteras clarae recordationis Rudolphi quondam Romanorum Regis Prædecessoris nostri vidisse, tenorem huiusmodi continentes.

**R U D O L P H U S** Romanorum Rex semper Augustus, &c. *Suprà num. VI.*

Nos